



XI CERTAME DE CREACIÓN AUDIOVISUAL EN LLINGUA ASTURIANA / GALLEGO- ASTURIANU O EONAVIEGU

44 Selmana de les Lletres Asturianas

Por cuenta de la celebración de la **44 Selmana de les Lletres Asturianas** nel mes de mayu del 2023, la Consejería d'Educación en xunto cola Consejería de Cultura, Política Llingüística y Turismu convoquen el **XI CERTAME DE CREACIÓN AUDIOVISUAL** p'alumnáu d'Educación Primaria, Educación Secundaria y Bachilleratu d'alcuertu con estes bases:

PRIMERA.- Pue participar tol alumnáu dende **5.º cursu d'Educación Primaria a 2.º cursu de Bachilleratu**.

SEGUNDA.- Los alumnos y alumnes han participar con un videu o creación audiovisual, orixinal y de **temática llibre**, n'asturianu o gallego-asturianu presentáu por un o una docente responsable.

TERCERA.- Va dase un reconocimientu o premiu por caún de los cursos que puen participar: 5.º y 6.º d'Educación Primaria; 1.º, 2.º, 3.º y 4.º d'ESO; y 1.º y 2.º de Bachilleratu. Va facese mención especial a los centros del alumnáu ganador del Certame.

CUARTA.- Les creaciones audiovisuales van poder ellaborase individualmente o en grupu. Los vidios han tener un llargor mínimu de 5 segundos y máximu de 10 minutos. La inscripción ha facese **esclusivamente de forma dixital, pentemendies d'una cuenta institucional @educastur.org, nel formulariu d'inscripción que s'indica** onde van incluyise los datos del alumnáu, centru y docente, l'*Anexu I* escaniáu, los permisos firmaos y escaniaos **y un enllaz n'internet accesible ensin rexistru** onde poder ver la creación audiovisual pa la so valoración.

[Inscripción a certámenes](#)

QUINTA.- Si nel videu apaecen imáxenes de persones non matriculaes nel centru, estes tienen que conocer pa qué tán siendo grabaes y dar el so

permisu. **El profesoráu encargao d'unviar el videu tien que tener, per escrito, el consentimientu del pá/ma o tutor/a llegal del alumnáu qu'apaez nes imáxenes.**

SESTA.- El plazu de presentación acaba a les 20:00 hores del **miércoles 12 d'abril del 2023.**

SÉPTIMA.- El Xuráu va tar formáu por persones averaes al ámbitu del mundu audiovisual, les artes plástiques y la educación. El fallu del Xuráu va facese públicu nel mes de mayu del 2023 nel marcu de les conmemoraciones de la **44 Selmana de les Lletres Asturianes.** Los reconocimientos a los/les ganadores y a los centros va facese públicamente nel portal Educatur y na forma que s'estableza nel so momentu.

OCTAVA.- La participación nel Certame supón tar d'alcuertu coles bases establecíos. Al fallu del Xuráu nun se pue retrucar.

PA MÁS INFORMACIÓN: Tfnu.: 985.10.55.00, estensión: 13656

